

01-50-1



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1631/10
Sarajevo, 11.6.2010. godine

11-06-2010

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11. 6. 2010.			
Organizaciona jedinica	Klasifikaciona oznaka	Redni broj	Broj priloga
01-	50-	1-15-	76/10

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 124. sjednici održanoj 10.6.2010. godine, utvrdilo je Odgovor na zastupničko pitanje koje je postavio gosp. Bajazit Jašarević, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1631/10
Sarajevo, 10.6.2010. godine

Bajazit Jašarević poslanik u Predstavničkom domu Parlamentarne skupštine Bosne i Hercegovine na 76. sjednici Predstavničkog doma održanoj 21.04.2010.godine, postavio je sljedeća pitanja:

Pitanja glase:

-, „Kada će biti donesen Pravilnik o mesu i mesnim prerađevinama? U kojoj je fazi usvajanje ovog Pravilnika? Da li je donošenje ovog Pravilnika namjerno usporeno pod pritiskom određenih interesnih krugova?“

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH”, broj 38/02), na 124. sjednici održanoj 10.6. 2010. godine utvrdilo je sljedeći

ODGOVOR

Agencija za sigurnost hrane Bosne i Hercegovine u saradnji sa nadležnim organima entiteta i Brčko Distrikta Bosne i Hercegovine u skladu sa odredbama članova 16. i 17. (2) Zakona o hrani („Službeni glasnik BiH, broj 50/04) priprema i inicira izradu propisa iz oblasti hrane. Agencija u saradnji sa nadležnim organima je u periodu od 2006. do 2010. godine izvršila izradu 32 pravilnika iz oblasti hrane koje je donijelo Vijeće ministara BiH, a šest pravilnika je dostavljeno Vijeću ministara na donošenje nakon sprovedene zakonske procedure, i jedan zakon koji je usvojen od strane Parlamentarne skupštine Bosne i Hercegovine. Prilikom izrade propisa o hrani Agencija se vodi načelom prioriteta izrade prvenstveno horizontalnih a potom vertikalnih propisa.

Na 120. sjednici Vijeća ministara BiH održanoj 29.04.2010. godine usvojen je Program rada Agencije za 2010. godinu, u kome je planirana izrada 29 pravilnika uključujući **Pravilnik o kvalitetu proizvoda od mesa**, koji je nacionalni propis.

Zbog sve češćih upita upućenih Agenciji od strane sredstava informisanja vezanih za kvalitet mesa i proizvoda od mesa iz uvoza, Agencija je izradu ovoga pravilnika stavila u prioritet programa rada u 2010. godini.

Napominjemo da Agencija nije nadležna za sprovođenje službene kontrole mesa i proizvoda od mesa pri uvozu i da je to u nadležnosti Granične veterinarske inspekcije BiH, koja je u sastavu Ureda za veterinarstvo BiH.

Izrada navedenog pravilnika je u toku i nadamo se da će isti biti usvojen od strane upravnog odbora Agencije i dostavljen Vijeću ministara BiH na donošenje do kraja 2010. godine.

Ne raspolazemo sa informacijom da postoje pritisci bilo kojih interesnih krugova za usporavanje izrade i donošenja navedenog pravilnika.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2149/10
Sarajevo, 28.7.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.07.2010			
Organizaciona jedinica	Klasifikaciona oznaka	Redni broj	Broj priloga
01-50-1-15-76		10	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 129. sjednici održanoj 27.7.2010. godine, utvrdilo je Odgovor na zastupničko pitanje koje je postavio gosp. Bajazit Jašarević, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2149/10
Sarajevo, 27.7.2010. godine

Bajazit Jašarević, poslanik u Predstavničkom domu Parlamentarne skupštine Bosne i Hercegovine, na 76. sjednici Predstavničkog doma Parlamentarne skupštine Bosne i Hercegovine, održanoj 21.04.2010. godine postavio je sljedeće poslaničko pitanje:

"Šta će Ministarstvo vanjske trgovine i ekonomskih odnosa učiniti da uvoznici mesa odgovornije izvršavaju svoju obavezu otkupa žive stoke od domaćih farmera kod uvoza mesa?"

Na postavljeno pitanje, Vijeće ministara Bosne i Hercegovine je na 129 sjednici održanoj 27.7.2010. godine, utvrdilo sljedeći

ODGOVOR

Prema Tarifnom aneksu-Tarifne kvote, koji čini sastavni dio Carinske tarife BiH za 2010. godinu („Službeni glasnik BiH“, broj 100/09), utvrđene su određene tarifne kvote, u skladu sa sljedećim pravnim osnovima:

1) Privremeni sporazum o trgovini i trgovinskim pitanjima između Evropske zajednice i Bosne i Hercegovine.

Od dana stupanja na snagu ovog sporazuma, Bosna i Hercegovina je ukinula carine koje se primjenjuju na uvoz određenih poljoprivrednih proizvoda porijeklom iz Zajednice navedenih u Aneksu III (e) u okviru carinske kvote naznačene za date proizvode.

Kao što je poznato, u Tarifnom aneksu-Tarifne kvote, navedeni su ostali uslovi, gdje je jedini uslov da se uvoze iz zemalja članica Evropske unije u odobrenim količinama kvote u tonama, uz stopu carine 0%. Za robu -živa goveda težine od 160 kg do 300 kg, koja nisu namjenjena za klanje i za robu -MDM za industrijsku proizvodnju proizvoda koji podpadaju pod Glavu 16, osim uslova da se uvoze iz zemalja članica Evropske unije u odobrenim količinama kvote u tonama, uz stopu carine 0%, potrebno je ispuniti i uslov koji proizilazi iz samog naimenovanja robe i ovaj uvoz podliježe carinskom nadzoru krajnje upotrebe.

Iz navedenog se vidi da se tarifne kvote utvrđene Privremenim sporazumom ne mogu vezati za obavezan otkup domaće primarne proizvodnje.

2) Ostale kvote su otvorene propisima Bosne i Hercegovine i to na osnovu Zakona o carinskoj tarifi BiH, Odlukom o utvrđivanju količina tarifnih kvota („Službeni glasnik BiH“, broj 2/09) i Dopunama ove Odluke („Službeni glasnik BiH“, broj 102/09), **primjenjuju se od 01.01.2010. godine** - i to za bezcarinski uvoz mesa koje se svrstava u tarifne oznake 0202 30 90 00 (govede meso smrznuto, bez kostiju, ostalo) - 1 273 tone, i ex 0207 14 10 20 (meso peradi, bez kostiju, mašinski iskošteno, smrznuto u bloku, za industrijsku proizvodnju proizvoda iz glave 16) - 2 268 tona. Zakonom o izmjenama i dopunama Zakona o carinskoj tarifi BiH („Službeni glasnik BiH“, broj 14/10), koji se **primjenjuje od 06.03.2010. godine**, otvorene su kvote za tarifne oznake 0103 91 10 00 (žive svinje do 50 kg za tov najmanje tri mjeseca - 700 tona); 0202 30 50 00 (govede meso, smrznuto

bez kostiju – 1100 tona). 0209 00 11 00 (potkožna svinjska masnoća – 100 tona) i 0210 11 31 (svinjsko meso, s kostima, sušeno ili dimljeno – 80 tona).

Za navedene tarifne oznake, osim tarifne oznake 0103 91 10 00 (za koju je poseban uslov tov), korištenje uvoznih tarifnih kvota veže se otkup domaće primarne proizvodnje i to za

- govede meso 1:1 (za 1 kg otkupljene žive mjere junadi ili goveda od domaćih proizvođača odobrava se 1 kg uvozne predmetne kvote)
- pileće meso 1:1 (za 1 kg otkupljenog mašinski iskoštenog pilećeg mesa od domaćih proizvođača odobrava se 1 kg uvozne predmetne kvote)
- svinjsko meso i za potkožnu svinjsku masnoću 3:1 (za 3 kg otkupljene žive mjere od domaćih proizvođača odobrava se 1 kg uvozne predmetne kvote)

Sve naprijed smo naveli da bi informacija sadržavala potpune podatke o tome u kojim slučajevima uvoza mesa, uvoznici imaju obavezu otkupa domaće primarne proizvodnje. Uvoz mesa u svim drugim slučajevima nije uslovljen otkupom domaće primarne proizvodnje.

Roba koja se stavlja u slobodan promet korištenjem uvoznih tarifnih kvota, podliježe carinskom nadzoru krajnje upotrebe odnosno odredbama čl. 198. do 207. Odluke o provedbenim propisima Zakona o carinskoj politici Bosne i Hercegovine („Službeni glasnik BiH“, broj 63a/04).

Ovom Odlukom i Upustom o postupku stavljanja robe u slobodan promet na račun njene krajnje upotrebe („Službeni glasnik BiH“, broj 74/2006) je decidno propisan postupak carinskog nadzora krajnje upotrebe za koji su isključivo nadležni carinski organi (nadzorni carinski ured, prijavni carinski ured i Regionalni centar nadležan prema sjedištu podnosioca zahtjeva). Postupak krajnje upotrebe se završava nakon sprovedene kontrole krajnje upotrebe u kojoj carinski organi utvrđuju da li je uvezena roba upotrijebljena za odobrenu krajnju upotrebu odnosno da li je uvoznik postupio u skladu sa uslovom kojim se reguliše stavljanje robe u taj postupak ili odobravanje smanjene ili nulte stope uvoznih dažbina na osnovu krajnje upotrebe robe. Ako jeste, postupak se razdužuje, a ako nije, prema članu 196. Zakona o carinskoj politici, nastaje carinski dug.

S obzirom na svoje nadležnosti, Ministarstvo vanjske trgovine i ekonomskih odnosa, konstantno prati sprovođenje postupka krajnje upotrebe i pribavlja neophodne podatke od UIO. U 2009. godini jedina otvorena kvota vezana za otkup domaće primarne proizvodnje, bila je za robu iz tarifne oznake 0202 30 90 00 (govede meso smrznuto, bez kostiju, ostalo - 1 273 tone) prema Odluci o utvrđivanju količina tarifnih kvota („Službeni glasnik BiH“, broj 2/09). Prema podacima dobijenim od strane Uprave za indirektno oporezivanje uvoz mesa po ovom postupku vršile su sljedeće firme: Im Semić d.o.o., Visoko; Bajra d.o.o., Travnik; Suša-commerce d.o.o., Visoko; Farmko d.o.o., Široki brijeg; Ovako d.o.o., Hadžići; Menprom d.o.o., Tuzla.

U skladu sa omjerom (1:1) propisanim u navedenoj Odluci, ukupna količina izvršenog otkupa od domaćih proizvođača iz oblasti primarne poljoprivredne proizvodnje iznosila je 1273 tone. Odredbama člana 4. ove Odluke decidno je propisano ko se smatra domaćim primarnim proizvođačem i na koji način i kojom dokumentacijom se dokazuje da je izvršen odgovarajući otkup. Tako je propisano da se otkup dokazuje izjavom da je izvršen odgovarajući otkup, podaci koje treba izjava da sadrži i dokumentacija, komercijalna i finansijska, koja se uz izjavu prilaže (faktura za PDV obveznike, račun otkupnih blokova-za farmere koji nisu PDV obveznici, dokaz o izvršenoj žirnoj uplati, potvrda veterinarskog inspektora ili ovlaštenog veterinara o izvršenom klanju otkupljene stoke u registrovanoj klaonici). Prema podacima koje smo dobili od UIO, u toku 2009. godine nije bilo kršenja ovog propisa.

Cijenimo da je mogućnost zloupotrebe propisa koji regulišu ovu oblast minimalna, jer se Odluka donosi krajem svake godine, za narednu godinu. Tada se njena primjena u tekućoj godini, detaljno analizira u saradnji sa UIO, raznim udruženjima iz oblasti poljoprivrede, sa Vanjskotrgovinskom komorom i mjenja se i dopunjuje, shodno rezultatima analize primjene.